

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Consideratio status damnatorum, quod actiones ipsorum
in primis malas, concernit**

Fecht, Johann

Durlaci, 1680

LI.

[urn:nbn:de:bsz:31-122744](#)

ra est, tunc aut voluntas ejus corrigetur, aut non corrigetur. Si corrigetur, ergo non erit amplius malus angelus, multò minus malus ~~et iroz~~, sed bonus, quod absurdum & Origeniano errori proximum. Si non corrigetur, tum aut mala manebit & consequenter peccabit; aut in statum inter malum bonumque medium traducetur: id quod in naturâ volente aut intelligente tam fieri nequit, quam fieri non potest, ut natura sentiens in statum inter vitam mortemque medium ponatur. Nam aut voluntas, prævio intellectus judicio, appetit bona, & sic benè agit & emendatur, aut non appetit: & sic male agit & corruptitur: aut neque appetit neque non appetit, & sic ipsa voluntatis natura perit, quæ in appetendo & aversando consistit. Cognoscere verò intellectum dæmonis bona malaque, indubio argumentis, & vel solo pœna exemplo, (cujus nisi causam noverit, pœna non est) sufficienter constat. Quæ cum ita se habeant, damnatos quoque, qui ~~in~~ futuri sunt, peccati labe corruptos fore, necesse est. Sunt enim damnati nihil aliud, quam diaboli incarnati.

LI. Undecimum apud Bonaventuram argumentum innititur analogiæ status damnatorum cum statu salvandorum: *Sicut malitia inclinat voluntatem ad malum, sic gratia ad bonum. Sed malitia remanebit in damnatis, sicut & gratia in beatis.* Ergo sicuti boni bona, quæ semel voluerunt semper volunt, ita damnati semper volunt mala. Hujus argumenti triplex est, nisi omnino fallor, nervus. Nam primo colligitur ab opposito statu simpliciter: Qualis est status salvatorum, talis in opposito est status damnatorum. At ille talis est, ut gratia ad benè agendum disponens in beatitudine, perinde ut in via, perseveret. Ergo in opposito & hic talis est; ut voluntas mala, ad male agendum inclinans, in damnatione, perinde ut in via, perennet. Id quod amplius confirmatur ex eo, quia, quâ quisque in vita suæ conditione decedit, in eâ post mortem non immutatur, juxta dictum: *Si ceciderit lignum ad austrum, aut ad aquilonem, in quocunque loco ceciderit, ibi erit.* Eccl. XI. 3. Aut certè hujus imputationis gravissima sunt in medium proferenda argumenta. Secundo concluditur ab oppositi status confirmatione: Quâ ratione in statu salutis beati sunt confirmati, eâ ratione in opposito confirmati sunt damnati. At verò illi ita sunt confirmati, ut peccare

& excidere gratiā nequeant. Ergo & damnati ita roborati erunt, ut non possint nisi peccare & exitii perpetuitatem sibi attrahere. Si igitur à peccando desisterent damnati & tamen condignis peccato pœnis adfligerentur; tum & à benè agendo cessarent salvati & tamen promissis præmiis gauderent: quod absurdum. Tertiò denique à formā oppositi status colligitur: Si status salvatorum formaliter in visione DEI beatificā, id est, in eminentissimā DEI, quoad intellectum, tanquam summi boni, cognitione & secundum voluntatem, in intensissimo perfectissimoque DEI amore consistit, tum ex opposito status damnatorum formaliter, quoad intellectum, in summā DEI, in quantum summum bonum est, ignorantiā, tenebris exterioribus denotatā, quoad voluntatem vero, in odio ejus gravissimo maximoque consistet. At verum est prius, ceu nemo negat. Ergo & posterius. Vehementissime, ut quilibet videt, stringit hoc argumentum. Nam impossibile est, ut status cetera oppositissimi, quales, ut in hac, ita in alterā quoq; vitā, sunt damnatorum & salvatorum, in hac quidem formalibus oppositis, in alterā non differant. Different autem non formā, sed accidentibus tantum inseparabilibus, quæ formam ordinariē alias consequuntur, si vita beata in gaudio & delectationē, damnatio in doloribus & cruciatibus tantum consisteret. Jam vero vita æterna in visione DEI à facie ad faciem constituitur: Videamus nunc per speculum in enigmate, tunc autem facie ad faciem; nunc cognoscō ex parte, tunc autem cognoscam sicut & cognitus sum. I. Cor. XIII. 12. Ergo damnatio æterna in privatione visionis illius, seu rejectione à facie DEI: discedite à me maledicti. Matth. XXV. 41. Porro visio illa beatorum à facie ad faciem non erit ocularis, sed spiritualis, quæ fiet per oculos non corporis sed mentis, quam Apostolus ipse per cognitionem perfectissimam interpretatur: Ergo & rejectio damnatorum non erit localis, sed spiritualis, non tam in locum, quam in statum, privatio nempe cognitionis DEI beatificæ. Præterea cognoscent beati D̄Eum, ut summum & infinitum bonum, bonitatem suam largis quasi fluiis in illos dispensantem: Ergo damnati eundem cognoscent, ut severissimum justissimumque judicem, supplicia sua fœcundis quasi imbris in illos depluentem. Ex isthac cognitione summi boni in beatis non potest non prove-

ni-



nire flagrantissimus amor ejus, quod cognoscitur, juxta Augustini regulam: *Tantum diligitur, quantum cognoscitur*: Ergo ex hac cognitione acerbissimi judicij in damnatis non potest non emergere apertissimum odium ejus, quod cognoscitur. Denique hanc totam intellectus & voluntatis illustrationem sequentur jucundissimi in beatis fructus, conscientiae serenitas, animi gaudium & exultatio, corporis iuxeytla & pulcritudo, securitas vitae, conversatio cum angelis & universae hujus felicitatis aeternitas: Ergo totam illam intellectus & voluntatis caliginem sequentur funesti in damnatis fructus, vermis conscientiae perpetuo rodens, animi tristitia & desperatio, corporis languor & deformitas, cruciatus totius compositi ineffabiles, cohabitatio cum dæmonibus & universae hujus miseriae nunquam terminanda perpetuitas. Concludo verbis Magni Gerhardi, Loc. de Inf. §. 35. *Sicut præmium püs promissum est bonum universale, omnium bonorum genera & species complectens: sic supplicium peccatoribus præparatum est malum universale, in quo omnia malorum & suppliciorum genera in unum coacervata deprehenduntur.*

LII. Duodecimum, & apud Bonaventuram ultimum, argumentum, colligit à consequente absurdo: *Si quis dimittat actum peccandi in præsenti, non potest esse sine gratia gratis datâ; multò fortius de peccandi voluntate.* Ergo si nulla gratia datur ipsis reprobis, nec natura melioratur, Ergo peccandi voluntatem nunquam amittunt. Syllogismus in formam redactus hic est: Quæcumque vitiosa natura neq; melior & à peccandi necessitate immunis redditur, neque à gratia supernaturali immutatur, in eâ & peccandi voluntas & actus peccaminosi necessario manent. Non enim, sicut in hominis potestate fuerat, labi & peccatorum sordibus contaminari, ita in viribus ejus, postquam peccavit, est, à peccato surgere & fordes illas maculasque detergere. *Sine me nihil potestis facere.* Joh. XV. 5. *Naturalis homo non percipit ea, qua sunt Spiritus DEI, stultitia enim illi sunt, neque cognoscere potest.* I. Cor. II. 14. Non sumus idonei cogitare aliquid ex nobis ipsis, tanquam ex nobis, sed quod idonei sumus, id ex DEO est. II. Cor. III. 5. Omne figmentum cogitationis cordis hominis tantum malum est à pueritâ. Genef. VI. 5. Venundati sumus sub peccatum & servi peccati, qui ex senonni si peccare possunt. Rom. VII. 14. 19. 23. Mortui peccato, Eph. II. 1. 5. Sicut igitur mortuus seipsum suscitare nequit; ita nec peccator ex se surgere